



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

28 f Panthaleon Marterer zů Nicomedia.

urn:nbn:de:hbz:466:1-41449

Julius

Item (als etliche wollen) das leyden der H. marter
er Boni des Priesters / Fausti / vnd anderer zehen auß
der Clerisey des H. Pappstis Stephani / von welchem her
nach am 1. tag Augustmonats.

Item zu Nies die begräbnuß des H. Bischoffs vnd
Beichtigers Frominij.

Item zu Ach die erhebung des H. Kayfers vñ Beich-
tigers Caroli Magni / der auß Frankreich geboren / vnd
im Teutschland die Christliche Religion gewaltiglich
pflanzen vnd mehren hat lassen. Von welchem oben am
28. tag Jenners weiter.

Item zu Nicomedia des H. Panthaleonis / von
welchem weiter am nechstfolgenden tag.

Anno Dñi 1150. Item selige gedächtnuß des H. Beichtigers Gul-
gonis / der im Leben vnd Lehrfürtrefflich war. Ist nach
S. Brunone der fünffte Prior der grossen Carthaus ge-
wesen.

f v. Calend. Augusti.

Der XXVIII. Tag im Heym.

Zu Nicomedia ist heut der Tag des leydens Sanct
Panthaleons / dessen Vatter Eustorgius / ein
Haidnischer Rathsherr / aber sein Mütter Eus-
bola ein Christin gewesen. Da sein Mütter starb /
lehnet er die Arhney / ward aber von dem Priester
Hermolao beköhret / sa er beköhret auch durch wunder-
werck seinen Vatter. Nach dem nun sein Vatter starb /
thaillet er all sein Güt vnnder die Armen / ward von
dem Tyrannischen Kayser Maximiano gefangen /
an ein Rahm auffgehengt / mit Hacken zerissen / mit
Facklen

Sacklen gebrennt/ in ein Pfann voll wallends Pley ge-
legt / mit einem grossen stein inns Meer geworffen / den
wilden Thieren zuerschlucken dargeben / die weil aber er
durch Göttlichen beystand solches alles ohne verletzung
erlidet / seind darbey tausent Manner beköt / vnd omb
bekänntus des Glaubens enthaupt worden. Als Pan-
taleon aber an einen ölbaum gebunden ward / vnd auch
enthaupt werden solt / ist das Schwert so waich worden
wie wachs / dardurch alle Kriegsknecht beköt ward. Ist
doch endlich enthaupt worden / vnd vergos Milch für
Blüt / der ölbaum ist auch zu stund fruchtbar worden / da-
durch abermal vil Volcks beköt / vnd sein heyliger Leib
verbrennt ward.

Item inn Britannia minori / in dem Kloster vnd
Bischofflichen Statt Dolo / des heyligen Bischoffs vnd
Beichtigers Samsonis / der vonn Edelm Geschlecht /
aber auß einer vnfruchtbaren Mutter geboren / ist ein
Münch worden / mit wunderbarlichen gnaden Gottes
vnd wunderzeichen gezeret : Machte auch sein Vatter
gesund / vnd erlanget von im / daß er alle seine Güter den
Armen gab / vnd in ein Kloster gieng : hat zur zeit Kay-
sers Constantini des jüngern das Kloster Dolum ge-
stiftet / ist ein halbes jar demselben vorgestanden. Fol-
gends füret er in einer Hölin Einsidlich leben / ward a-
ber durch Göttliche offenbarung Bischoff zu Dolo / le-
bet in grosser heyligkeit vnd abstinens / vnd waider das
volck mit worten vnd Exempeln Gottseliglich. Der H.
Geist ist in gestalt einer schneeweißen Tauben zweymal
vber ihm gesehen worden.

Item zu Leon des H. Priesters Peregrini / dessen se-
lakat die glory der wunderwerck bezeugt.

Dd ii

Item

Anno Dñi
570.

Item zu Mayland das leyden der H. Marterer Nazaris/ vnd Celst des Knabens/ vonn welchen oben bey ihier erfindung am 14. tag Brachmonats weyter gemeldet ist.

Item des H. Bapsts vnd martereris Victoris des ersten/ von welchem oben am 20. tag Aprilis weyter/ hat gelideten vnder dem Kayser Seuerus/ vnd ist gar nutz gewesen der Kirchen.

Anno Dñi 410. Item zu Rom des heyligen Bapsts Innocentis des ersten/ der ein Albaner/ vnd heyliger Mann war/ auch vil guts in der Christlichen Religion gestiftet/ vnd vil Kezer verdampft hat. Ist auch oben am 12. Tag Merckens gesetzt.

Item in der Burg Lucha des H. Belchingers Bispi/ der mit wunderbarer abstinenz/ vñ andern Christlichen tugenden leuchtete.

iii. Calend. Augusti.

Der XXIX. Tag im Heymonat.

Anno Dñi 366. In Rom ist heut der Geburtstag des H. Bapsts Felicts des andern / so ein Römer/ vnd frommer Mann war / vnd sampt anderen vilen mit dem Schwert getödtet.

Anno Dñi 888. Item auch zu Rom / der H. Marterer Simplicius vnd Faustini/ zweyer Brüder/ auch Beatrix ihier Schwester. Die zwen Brüder seind zur zeit des Tyrannischen Kayfers Diocletiani vnd Maximiani / nach vilen martern enthaupft / vnd ihre Leiber inn die Tyber geworffen worden / welltche doch das Wasser aufwarff / vnd von ihier Schwester vnd zweyen Pütern